

## 白寶珠\*

### 總統令

中華民國97年4月23日

華總二榮字第09710022481號

美利堅合眾國籍護理師白寶珠，靈心慧性，雅素端醇。少歲來臺，承命傳道濟貧，持躬救護施診，矜恤疾疢，視病猶親。嗣轉赴菊島，致力照顧癲瘋病友，協助早期療育；悉心偏遠離島醫務，強化衛生保健，彈精勞瘁，沾溉異鄉，爰有「永遠的白阿姨」稱譽。曾獲頒澎湖縣榮譽縣民、好人好事代表、第四屆醫療奉獻獎、紫色大綬景星勳章暨內政部永久居留證等殊榮，徽音懿德，迭著聲華。綜其生平，惓誠靡間，逾半世紀宣化淑世；大愛為懷，越五十載澤惠群民，茂行貽範，朗照丹青。遽聞修齡隕落，悼惜彌殷，應予明令褒揚，用示政府崇禮芳賢之至意。

總統 陳水扁

行政院長 張俊雄